



KETERANGAN

BIASISWA YANG DI-PERTUAN AGONG TAHUN 2012 JABATAN PERKHIDMATAN AWAM

Biasiswa Yang di-Pertuan Agong ini adalah bagi mengiktiraf kebolehan luar biasa seseorang pelajar, di samping memberi peluang kepada pelajar untuk melanjutkan pengajian di peringkat Pasca Ijazah dalam bidang **Sains dan Teknologi, Ekonomi dan Undang-Undang**. Kelebihan biasiswa ini adalah dari segi kadar biasiswa yang ditawarkan, syarat-syarat kelayakan dan penempatan di universiti-universiti yang terkemuka.

Bilangan biasiswa yang disediakan adalah **dua belas (12)** biasiswa iaitu **enam (6) biasiswa untuk peringkat Kedoktoran (PhD)** dan **enam (6) biasiswa untuk peringkat Sarjana** setiap tahun.

Kriteria utama yang digunakan bagi pemilihan calon-calon untuk mendapatkan Biasiswa Yang di-Pertuan Agong ini adalah berdasarkan kepada kecemerlangan akademik yang dimiliki oleh calon-calon. Di samping itu, kriteria berikut juga diambil kira di dalam pemilihan calon-calon iaitu:

- i. Penglibatan dalam kegiatan ko-kurikulum atau aktiviti kemasyarakatan atau hasil kerja kreatif dan inovatif; dan
- ii. Prestasi semasa temuduga

Syarat kelayakan yang ditetapkan adalah seperti berikut:

- i. Warganegara Malaysia;
- ii. Berumur tidak melebihi 30 tahun pada tahun memulakan pengajian;
- iii. Memiliki Ijazah Sarjana Muda/ Sarjana yang diiktiraf oleh Kerajaan dengan pencapaian CGPA minimum 3.75 atau kelas pertama atau yang setaraf dengannya;
- iv. Aktif dalam kegiatan ko-kurikulum atau aktiviti kemasyarakatan atau menghasilkan kerja-kerja kreatif dan inovatif;
- v. Mahir dalam lebih daripada satu bahasa antarabangsa; dan
- vi. Mendapat tempat pengajian di universiti ulung tempatan atau di universiti terkemuka di dunia.

Penerima Biasiswa Yang di-Pertuan Agong yang telah menamatkan pengajian diwajibkan pulang ke Malaysia untuk berkhidmat di negara ini bagi tempoh tidak kurang dari lima (5) tahun. Bagi memastikan syarat tersebut dipatuhi, calon yang terpilih dikehendaki menandatangani perjanjian dengan Kerajaan. Jika calon yang terpilih adalah terdiri daripada pelajar-pelajar tajaan JPA di peringkat Ijazah Sarjana Muda, mereka masih terikat untuk berkhidmat dengan Kerajaan mengikut tempoh yang telah ditetapkan di bawah penajaan peringkat Sarjana Muda. Kadar gantirugi seperti yang berkuatkuasa pada masa sekarang akan dikenakan sekiranya pelajar melanggar syarat perjanjian.

Pakej tawaran Biasiswa Yang di-Pertuan Agong menawarkan kadar pembiayaan **yang lebih tinggi** berbanding Biasiswa Persekutuan yang sedia ada. Sebagai contoh, kadar Elaun Sara Hidup (ESH) bulanan adalah seperti berikut:

NEGARA	KADAR ESH BIASISWA YANG DI-PERTUAN AGONG	KADAR ESH BIASISWA PERSEKUTUAN
Amerika Syarikat	USD 1,923.00	USD 1,282.00
United Kingdom	£ 1,639.50	£ 1,093.00
Australia	AUD 2,070.00	AUD 1,380.00
New Zealand	NZD 2,174.00	NZD 1,449.00
Malaysia	RM 1,760.00 (Sarjana) RM 2,500.00 (Ph.D)	RM900.00 (Sarjana & Ph.D)

Di samping itu, calon-calon yang berjaya juga akan dibayar elaun-elaun lain yang berkaitan. Manakala, yuran pengajian akan dibayar secara terus kepada universiti.



SYARAT-SYARAT PERMOHONAN

BIASISWA YANG DI-PERTUAN AGONG TAHUN 2012 JABATAN PERKHIDMATAN AWAM

Permohonan adalah dipelawa daripada semua warganegara Malaysia yang berkelayakan untuk memohon Biasiswa Yang di-Pertuan Agong Tahun 2012 bagi mengikuti pengajian di peringkat Kedoktoran (PhD) dan Sarjana di dalam dan luar negara.

Pemohon-pemohon mestilah memenuhi syarat-syarat permohonan seperti berikut:

Syarat-Syarat Umum Permohonan Program Biasiswa Yang di-Pertuan Agong Tahun 2012

- a) Warganegara Malaysia.
- b) Umur tidak melebihi 30 tahun pada tahun memulakan pengajian di universiti.

Syarat-Syarat Khusus Pengajian di Peringkat Sarjana/ Kedoktoran

- a) Memiliki Ijazah Sarjana Muda/ Sarjana yang diiktiraf oleh Kerajaan dengan pencapaian CGPA minimum 3.75 atau kelas pertama atau yang setaraf dengannya.
- b) Aktif dalam kegiatan ko-kurikulum atau aktiviti kemasyarakatan atau menghasilkan kerja-kerja kreatif dan inovatif.
- c) Keutamaan akan diberikan kepada pemohon yang mahir dalam lebih daripada satu bahasa antarabangsa.

- d) Pemohon perlu mendapatkan tempat pengajian dalam bidang Sains dan Teknologi, Ekonomi dan Undang-Undang di universiti ulung tempatan seperti di **LAMPIRAN B1** atau di universiti terkemuka dunia seperti di **LAMPIRAN B2**.

LAMPIRAN B1

**SENARAI UNIVERSITI TEMPATAN
MERANGKUMI PELBAGAI BIDANG PENGAJIAN**

BIL.	INSTITUSI PENGAJIAN TINGGI AWAM (IPTA)
UNIVERSITI PENYELIDIKAN	
1	Universiti Malaya (UM)
2	Universiti Sains Malaysia (USM)
3	Universiti Kebangsaan Malaysia (UKM)
4	Universiti Putra Malaysia (UPM)
5	Universiti Teknologi Malaysia (UTM)

**SENARAI UNIVERSITI TERKEMUKA DI DUNIA
MENGIKUT BIDANG PENGAJIAN**

Bidang Sains & Teknologi

BIL.	UNIVERSITI	NEGARA
1	California Institute of Technology	United States of America
2	Harvard University	United States of America
3	University of Cambridge	United Kingdom
4	University of Oxford	United Kingdom
5	Stanford University	United States of America
6	University of California Berkeley	United States of America
7	Yale University	United States of America
8	Princeton University	United States of America
9	Imperial College London	United Kingdom
10	Massachusetts Institute of Technology	United States of America
11	University of California, Los Angeles	United States of America
12	ETH Zürich - Swiss Federal Institute of Technology	Switzerland
13	Cornell University	United States of America
14	University College London	United Kingdom
15	University of Tokyo	Japan

Bidang Ekonomi & Undang-undang

BIL.	UNIVERSITI	NEGARA
1	Stanford University	United States of America
2	Harvard University	United States of America
3	University of Oxford	United Kingdom
4	University of Cambridge	United Kingdom
5	University of California, Los Angeles	United States of America
6	Princeton University	United States of America
7	Yale University	United States of America
8	University of Michigan	United States of America
9	University College London	United Kingdom
10	London School of Economics and Political Science	United Kingdom
11	University of Melbourne	Australia
12	Australian National University	Australia
13	University of Chicago	United States of America
14	University of Pennsylvania	United States of America
15	University of Toronto	Canada



PANDUAN PERMOHONAN

BIASISWA YANG DI-PERTUAN AGONG TAHUN 2012 JABATAN PERKHIDMATAN AWAM

1. Borang Permohonan Biasiswa Yang di-Pertuan Agong Tahun 2012 hendaklah diisi secara dalam talian (*on-line*), dimuat turun, dicetak dan dihantar dengan tangan atau melalui pos ke alamat seperti yang ditetapkan.
2. Pemohon boleh mengemukakan permohonan mulai **27 Jun 2012** sehingga tarikh tutup permohonan iaitu pada **13 Julai 2012**.
3. Pemohon hanya dibenarkan menghantar **satu (1)** permohonan sahaja.
4. Pemohon dikehendaki untuk menghantar salinan dokumen/ sijil-sijil yang telah diakui sah semasa mengemukakan permohonan. Dokumen/ sijil-sijil asal perlu dibawa semasa menghadiri temuduga.
5. Semua permohonan akan diproses selepas tarikh tutup permohonan. **Hanya pemohon yang telah disenarai pendek sahaja yang akan dipanggil untuk menghadiri sesi temuduga.** Keputusan pemohon yang berjaya disenarai pendek boleh disemak di portal www.jpa.gov.my mulai 13 Ogos 2012.
6. Bagi pemohon yang terdiri daripada kakitangan perkhidmatan awam, pemohon hendaklah mengisi borang tambahan iaitu borang **JPA(L)LDP 1B/96 (Pin.1/2003)** dengan pengesahan markah LNPT bagi tahun 2009, 2010 dan 2011 oleh Ketua Jabatan.

7. Semua pemohon perlu memastikan ibu bapa pemohon tidak tersenarai dalam senarai hitam peminjam skim pinjaman pelajaran JPA dan tidak melanggar perjanjian dengan pihak Kerajaan. Sekiranya ini berlaku, pemohon tidak akan ditawarkan biasiswa.
8. Tiada sebarang rayuan akan diproses oleh Jabatan ini sekiranya pemohon gagal untuk disenaraipendek.

PERINGATAN PENTING

1. Sebarang pertanyaan mengenai **permohonan Program Biasiswa Yang di-Pertuan Agong** boleh dibuat dengan menghubungi Unit Penawaran Latihan Dalam Perkhidmatan di talian 03-88853414/ 3546/ 3573 pada setiap hari bekerja mulai jam 8.00 pagi hingga 5.00 petang atau e-mail di alamat esila@jpa.gov.my.
2. Tarikh tutup permohonan ialah pada **13 Julai 2012**.
3. Pemohon boleh menyemak keputusan panggilan temuduga pada **13 Ogos 2012** melalui laman web JPA. Bagi pemohon yang berjaya dipanggil temuduga, surat panggilan temuduga akan dikeluarkan secara dalam talian (*on-line*) melalui laman web JPA dan pemohon hendaklah mencetak surat panggilan temuduga tersebut untuk dibawa semasa menghadiri temuduga.